

Broj: 01-04-6-00631/2022
Sarajevo, 2.2.2022. godine

Na osnovu čl. 17. i 18. Zakona o javnim nabavkama Bosne i Hercegovine („Službeni glasnik BiH“, broj 39/14), Direktor Federalne uprave za inspekcijske poslove, donosi

ODLUKU

o pokretanju postupka javne nabavke roba – gorivo i tečnosti za vjetrobranska stakla

I

Pokreće se postupak javne nabavke roba-gorivo i tečnosti za vjetrobranska stakla za službena vozila Federalne uprave za inspekcijske poslove.

II

Nabavka roba iz tačke I ove odluke će se provesti putem otvorenog postupka uz primjenu postupka e-aukcije, shodno odredbama Zakona o javnim nabavkama Bosne i Hercegovine.

III

Procijenjena vrijednost nabavke roba iz tačke I ove odluke iznosi 95.000,00 KM, a finansiranje će se vršiti iz sredstava Budžeta F BiH.

IV

Za realizaciju ove Odluke zadužuju se Sektor za tehničku podršku i plansko-analitičke poslove i komisija za javne nabavke imenovana Rješenjem broj 04-11-4-00495/2021 od 28.1.2021. godine.

V

Ova odluka stupa na snagu danom donošenja.

O b r a z l o ž e n j e

Na osnovu Plana nabavki Uprave za 2021. godinu, pokrenut je otvoreni postupak javne nabavke roba gorivo i tečnosti za vjetrobranska stakla za potrebe službenih vozila Federalne uprave za inspekcijske poslove, koji je objavljen na Portalu javnih nabavki dana 17.12.2021. godine. U navednom postupku je blagovremeno dostavljena jedna prihvatljiva ponuda, čija cijena je bila znatno veća od osiguranih sredstava za predmetnu nabavku. Shodno odredbi člana 69. stav (2) tačka e) Zakona o javnim nabavkama BiH, navedeni postupak javne nabavke je poništen odlukom broj 01-04-6-05823-3/2021 od 17.1.2022. godine.

U vrijeme donošenja ove odluke još uvijek nije usvojen Budžet Federacije BiH iz kojeg se vrši finansiranje predmetne nabavke, već je na snazi Odluka o privremenom finansiranju. Obzirom na prednju činjenicu Federalna uprava za inspekcijske poslove

nema zakonskih mogućnosti za donošenje Plana nabavki za 2022. godinu kojim će biti obuhvaćena i nabavka roba koje su predmet ove odluke.


Članom 17. stav (1) Zakona o javnim nabavkama BiH je propisano: „Ugovorni organ može započeti postupak javne nabavke ako je nabavka predviđena u planu nabavki ili kada ugovorni organ donese posebnu odluku o pokretanju javne nabavke“. Obzirom da je protekao period u kojem se primjenjivao Plan nabavki za 2021. godinu, da Plan nabavki za 2022. godinu nije donesen iz naprijed opisanih, objektivnih razloga, a da postoji potreba za provođenje postupka nabavke goriva za službena vozila, posebno imajući u vidu da aktuelni ugovor o nabavci istih roba uskoro prestaje da važi, donesena je odluka kao u dispozitivu.

Nakon što se ispune zakonski uvjeti za donošenje Plana nabavki za 2022. godinu prilikom njegovog donošenja nabavka koja je predmet ove odluke će biti uvrštena u plan.


DIREKTOR

Anis Ajdinović

Dostavljeno:

- 
1. Sektor za materijalno-finansijske poslove
 2. Sektor za tehničku podršku i plansko-analitičke poslove
 3. Komisiji za javne nabavke (a/a).